

Даалгъвран кўцäцхäv

Степновск района, Андреевин
нертä селәнä эдл-ахун артели
колхозникуд äмн болгъна тоод
мах, үс болн тос гаргългъар
öбрхн цагин эргцд Америкин
Соединенн Штатсиг кўцдж авх
олн-ämгнä öмн бääх тöриг кў-
цäхин тöлä ик öргмджтägъär
ноолдджана. Колхозд темдгл-
гдсн малин болн шовуна öсл-
тин зураг диилвр тägъär кўцäv.

Зун гектар газр болгъна
тоод 52 центнер үс, эс гидж
1954 джиллä дүнъгцүлхлä
37,2 центнер үс үлү саадж
авб. Ниднь джиллä дүнъгцүл-
хлä, нег үкр болгънас үс
саадж авлгън 643 литр үлү
öсв.

Государствд орулдж öгх, ху-
лдх зурагъан колхоз махар—
101 процент, үсär—128, öнд-
гär—103, ноосар—103 процент
күргдж, болзгаснь öмн кўцäv.
Джилин чилгч күртл 600 цент-
нер үс болн 160 центнер м зу-
рагъас давулдж немдж ору-
лдж öгх болцхав.

Ольгинск МТС-н механиза-
тормуд колхозникудта хамдан
малин үвлзнъгүр öвс, шимтä
болн концентрированн малин
хот-хол белддж зööцхäv. Üв-
лин цагт хö хургълуллгънд
гидж хойр шин кошар болн
гурвн катк тосхгдв. Бас тугъ-
лин шин хаша кегдв, малин
болн шовуна хаацс ясгдв.